

55

中國名山勝蹟志叢刊
沈雲龍教授主編

茅

山

K928.3/43:2

中國
地理

168805

中國名山勝蹟志叢刊第六輯
沈雲龍主編

茅

(三)

山

志

劉大彬編

文海出版社

有限公司
印行

茅山志卷之十一

龍十

茅山志卷之十二

師一

茅山志卷十三之十四

師三

茅山志卷之十五

師三

茅山志卷之十六

師四

茅山志卷之十

龍十

上清嗣宗師劉大彬造

上清品

十一代宗師上清檢校仙公唐國師太中大
 夫謚體玄先生姓潘諱師正字子真具州宗
 城人父寘隋通州刺史母魯氏善言名理口
 授以道德經母卒廬墓以孝聞大業中有道
 士劉愛道者見而竒之曰三清之驥非爾誰
 乘之時王法主為煬帝所尊禮每入禁中躬
 薦松水以祈福愛道曰吾甚欲子相從然成

就功道非法主不可由是師事法主同還茅
山一日謂先生曰嵩陽迺汝修真之地當亟
往無疑先生遂入雙泉中嶺間居十許年復
深入逍遙谷邈與世絕上元三年高宗幸東
都禮嵩嶽召見先生請作符書辭不解又問
山中所須答曰茂松清泉臣之所須此中不
乏帝異之調露初再祀嵩帝迺幸逍遙谷見
薜荔繩床將朽敗餘無火粒之具唯兩瓢貯
青飢飯耳因即其地勅建崇唐觀明年春又
以步輦致先生於洛城西宮仍勅改嵩陽觀

爲奉天宮每手詔具弟子姓名咨白自是乘
輿屢陟山阿帝在洛陽復召對及請還御製
詩以送先生嘗謂弟子曰吾實無用接見帝
王驚擾靈嶽汝等學道不厭深眇則無累矣
永淳元年六月十四日索沐浴書青符置湯
中曰終身淨也時造石室於北巖下將成十
六日遽云去去弟子韓文禮問何去曰奉小
檢校功德語畢雲氣覆庭須臾解蛻年九十
八天后降制若曰去年冬晚軒皇之駕不追
今歲秋初廣成之居又寂聖曆二年立碑嵩

山贊曰

絕世之資皆思友之仙緣有定敢縻以私
茂松清泉亦復何須冥心合真樂出太虛
十二代宗師上清玄初仙公唐國師銀青光
祿大夫謚貞一先生姓司馬諱承禎一名子
微字道隱世居溫晉彭城王權之後襄滑二
州長史仁最之子生而能言天錫神表年二
十師體玄於嵩陽受金根上經三洞隱書嘗
有鳥如鳳凰下集香几爪痕著几成書文曰
東華上清真人由是益神其行玄宗異之遣

使徵聘勅王屋山置陽臺觀以居一日感天
帝召遂來山禮謁華陽洞天因撰貞白碑陰
記師以王屋小有之天總真之府景氣幽歛
神祇會昌吾道苟行奚足不可翻飛投足有
終焉之志復於觀之朝維高丘之午窮極絕
界得中巖臺上直天壇下繚長阜巨木圓抱
鳴溪中流每養龍大谷相鶴中峯燎金洞之
衆香吸石窓之鮮氣有日矣著坐忘論及撰
修真秘旨十二篇為隱居真訣之副師且慮
帝恩深久遂徙居天台玉霄峯以期冲舉又

勅建桐栢觀其地請師五體書道德經開元
乙亥歲六月十八日忽謂近侍曰吾已受職
玄都不復得住廼部署封檢若將遠適迨暮
有赤雲繚繞摩地而來雲上簫聲泠然衆咸
駭異謂必上升遽扃戶而已蛻形矣玄宗御

製碑在桐栢頂贊曰

龍十

三

至神合虛應物無迹強名坐忘銷爾塵質
高風華林旭日丹臺蓬海無師歸求天台
十三代宗師上清真人唐國師正議大夫玄
靜先生姓李諱含光廣陵江都人本姓弘避

則天諱易馬家世業儒父孝威號貞隱先生
精黃老之術神龍初師以清行度為道士居
龍興觀開元十七年從司馬先生於王屋山
一見目之曰真玉清之客也居嵩陽二十餘
年司馬僊游玄宗召詣闕與語歎曰吾見舍
光知司馬真人猶然在世一日問及金鼎對
曰道德公也輕舉公中之私耳若忽道德而
求生徇欲則似繫風玄宗深感異之詔居陽
臺觀歲餘稱疾乞還向曲碁修經法天寶四
年十二月命中使齋璽書徵之既至館於禁

中每欲咨稟必先齋沐請傳道法辭以疾不能強而止再求還山廼特勅楊許故宅紫陽觀以居之御製詩餞別又禁山中採捕漁獵食葷血者不得入時經誥真蹟已多散逸師奉詔搜訪備得寶書進上之又詔山人王旼請師楷書上經十三紙以補遺闕七年三月十八日玄宗受三洞經籙于大同殿遙禮度師賜號玄靜先生法衣一襲以伸師資之禮詔刻石華陽洞宮以志之繼兩徵詣闕旋皆請老而還爲國修齋數感甘露靈芝之瑞大

曆四年己酉十一月十四日解蛻于紫陽之
別院年八十有七以左玄大夫贈正議大夫
贊曰

公私之辯至道名言徒說弗從頻煩主恩
上經十三妙補遺闕參著刻銘無愧稱絕

龍十

四

十四代宗師上清仙伯大洞貞元先生姓韋
諱景昭丹陽延陵人吳司空慎十六代孫精
究儒術而不肯取科名獨慕神仙之學初度
于延陵之尋真觀師事包士禁士禁師崇玄
觀包法整法整師包方廣方廣師王軌軌之

師昇真王法主也惟習靈寶經法後居長安肅明觀至天寶中奉詔侍玄靜先生歸茅山勅建紫陽觀居焉大曆初受玄靜經錄正傳肅代以來天下喪亂師獨以道爲己任貞元元年十一月癸卯召門弟子曰吾昨見仙官持勅書召任上清仙伯不復住世矣來何爲喜去何爲悲汝等體之毋或哀泣時年九十而化贊曰

神馮虛生至靈爲寶世塵紛揚獨靜以保時成返空我知其歸來無所欣去無所悲

十五代宗師洞真先生姓黃諱洞元南嶽人
早游華陽與玄靜先生爲師友嘗受行中黃
服日之法後入武陵住桃源觀有瞿童子名
栢庭自辰溪來師事甚謹一日獨游歸語師
曰桃源中有水洞花木紛馨洞室周繚澗中
多五色石童子得一石狀如龜引之首尾俱
龍十
動師藏經笈中旬餘失所在異日約俱徃水
溢溪洞迷不知處大曆八年癸丑夏五月晦
童子辭師曰後當於句曲相見明年師徙居
廬山紫霄峯凡十載復來山住下泊宮日誦

大洞經嗣韋宗師之學又八載瞿童子者至師適曳杖有出栢庭亦不留及歸聞姓名大駭遂易服焚香望空拜伏久之凝立而化舉體唯空衣耳德宗嘆異贈先生號壽九十五贊曰

瞻日得道其知甚真栢庭之來桃源始春石龜五色首動尾應忽然亡之妙極玄微十六代宗師明玄先生姓孫諱智清不知何許人在襁褓時畏聞腥羶及解事唯進以酒辭家入山師洞真先生大和六年爲山門威

儀七年奏請重禁採捕四時祭祀咸絕牲牢
奉勅書立石紫陽觀李衛公尊師之嘗有詩
贈武宗會昌元年召修生神齋勅建九層寶
壇行道因賜號焉解化時衆見風雨中有大
魚金鱗玉鬣師乘之凌大峯而上未詳歲月

贊曰

食味養形食氣養神鼎俎傷生忍而害仁
我貴食毋無假于外瞻儀有感豈識其會
十七代宗師唐國師希微先生姓吳諱法通
潤州丹陽人有文學試舉子業不利來山明

玄先生度爲道士盡授經法踰年明玄化形
風雨中師大悟解僖宗乾符二年遣使受大
洞籙遙尊稱爲度師賜先生號天祐四載年
八十三預知世行有變潛入巖洞不知所往
贊曰

龍十

世之將危智者去之而彼真六久慨然興悲

深處巖洞流潤千里動植遂生風雨時至
十八代宗師洞微元靜先生姓劉諱得常金
陵人十七歲作大道歌見吳宗師觀其氣骨
飄然出塵曰賢者能飲茅山泉一月雷十倍